

思惟瞬目揚眉更是誰

秦樓月

詠松

烟霞客亭亭隱在幽巖側幽巖側霜欺雪壓了無纖礙  
蚪枝招颭寒雲外天然恣質真堪愛真堪愛青青別是一  
黏標格

詠竹

性貞潔柔枝嫩葉堪圖寫堪圖寫四時常伴草堂風月  
孤高勁節天然別虛心永永無凋謝無凋謝綠陰搖曳瑞音清絕

鳳棲梧

山居遣興

道藏輯要

草堂集

六

昂集七

滿目青青松間竹掩映山家有甚閒榮辱獨自唱吟斟美醪味  
濃醉倒和衣宿清夢覺來情未足重抱瑤琴品弄無生曲誰  
是知音余伴侶草堂風月應相許

寄同道

世事紛紛何事苦死去生來輪販無停住有幸高真開法字引  
人同上無生路路上行人當聽屬屬付虔誠念道忘思慮清  
靜功夫昭且著無生路上常相遇

勸遊春子

嫩柳垂金花爛坼隨處園林拂袂香風快無限眼前闡景色只  
應粧點春光際游騎駢駢馳雅態不道繁華暗換朱顏改到

底有情終不耐慙說與尋芳客

暮春聞鶯

短景相催何太促麗日和風又送春光暮漸聽流鶯枝上語絲  
蠻似把衷情訴 昨日花開紅滿樹今已飄零狂蕩逐飛絮奉  
勸游人生覺悟莫教失卻來時路

清明前三日因微雨過示眾

割愛忘情惟謹謹免走烏飛催逼年華迅又是清明將欲近家  
家煙火宜防慎 和氣氤氳當寶運細雨簾纖不負陽春信造  
化工夫猶此進仙葩迺邈飄香韻

上丹霄 本名上平西

道藏輯要

草堂集

七

昇集七

用張子雲韻

得真閒投真趣傲萍蓬任運命否塞亨通生涯寂淡二十年罷  
倒金鍾頭頭返照破昏蒙靈鑑非銅 或遊戲紅塵境或棲隱  
碧巖松掌譚馬遺範餘 馳造化自然交媾虎和龍上清仙  
舉要爭魁安敢耽慵

又

棄浮榮忘羈絆勝秋蓬樂天命所遇皆通隨緣一飽算來奚用  
祿千鍾甘聞守拙捱清貧豈顧頑銅 陪霞友邀風月臨溪石  
對巖松論坦然出世家風烹金鍊玉斡旋叱虎與玄龍而今重  
悟萬緣空意倦心慵